



ՊԱՏՐԻԱՐԺՆ

ՀԱՅՈՑ ԿՈՍՏԱՆ ԴՆՈՒՊՕԼՍՈՑ

Տ. ՆԵՐՍԷՍ ԱՐԲԵՂԻՍԿՈՊՈՍ

ՀԱՆԳԵԱԼԻ Ի ՏԷՐ

Ի 26 ՀՈԿՏԵՄԲԵՐԻ 1884 ԱՄԻ

Ահա այս մասին Ամենապատիւ Տեղակալ Հօր և Կ. Պօլսոյ Կրօնական Ժողովոյ Գեր. Ատենապետի միջև փոխանակեալ մահադոյժ և սգառիթ հեռագրերի պատճենները:

« Ի Պերայէ Եջմիածին ի 27ն Հոկտեմ. »

Առ Տեղակալ Կաթողիկոսին Եջմիածնի.

Անհնարին տրտմութեամբ յայտնեմք, զի Նորին Սրբութիւն Ներսէս Պատրիարք, որ թուէր առողջանալ՝ յերկն յանկնկալս հանգեալ ի Տէր. վասն հանգստեան Հոգւոյ Նորին Սուրբ Պատարագ լինելոց է ի համայն եկեղեցիս Հայոց Տաճկաստանի ի 4/16 Նոյեմբրի. Յաւիտեան պահպանեսցէ Աստուած զեկեղեցին Հայաստանեայցս.

Ատենապետ Կենտր. Կրօն. Ժողովոյ Խորէն Արքեպիսկոպոս. »

—

« Յէջմիածնէ ի Պերա Կոստանդնուպօլսոյ ի 28ն Հոկտ. »

Առ Ատենապետ Կրօնական Ժողովոյ Խորէն Արքեպիսկոպոս.

Մեք և ամենայն Միաբանութիւնն անհնարին տրտմութեամբ ընկալաք զգոյժ մահուան Սրբազան Ներսէս Պատրիարքի. մաղթեմք Հոգւոյ Նորին հանգիստ և երկնից արքայութիւն: Մխիթարեսցէ Տէր զվշտագնեալ սիրտ ազգայնոց մերոց և պահպանեսցէ յաւիտեան զեկեղեցին Հայաստանեայցս: Միաբանութիւն Մայր Աթոռոյս պատարագել ունի վասն փրկութեան Հոգւոյ Նորին Սրբութեան ի 4/16ն Նոյեմ:

Տեղակալ Մկրտիչ Արքեպիսկոպոս. »

Լուսաւորեսցէ Տէր զՀոգի Հանգուցելոյն, և ի տրիաուր վատակոցն ընդ սուրբս և ընդ արդարս դասեսցէ յարքայութեան երկնից. Ամէն:

—